

四庫全書

集部

欽定四庫全書

御製詩五集卷八十一

集部

欽定四庫全書

御製詩五集卷八十一

古今體七十九首 癸丑五

致遠齋敘事

致遠齋始戊辰歲至今僂指卅五年

齋建於戊辰年先是金川婆羅奔恃

其碉險構釁鄰番臺吏請兵籌餉而司事者以怯縮老  
師弗克藏功因於此間設石碉簡飲飛之士習之未逾

月得精兵二十人命大學士傅恒為經略統之以行先  
聲所布番首震懼乞降次年遂即此地立健銳營以時

訓練致遠之效已肇於此由  
今追憶不覺四十五年矣伊犁回部金川兩緬甸臺

灣安南延昨近廓爾喀事竣大功成計以十全自平定金川後

凡有征討之事俱用此勁旅制勝奏勦統計數十年以來翦滅內地之王倫蘇四十三田五三小醜不足數外

若平定伊犁二回部一金川二緬甸臺灣安南各一及近年廓爾喀二計歲大功十全仰賴上天助順師

貞協吉無不副此嘉名然皆不得用不得已非窮蹟實已而用之並不敢存窮蹟之念也

因助順恩賴

天老耄歸政候三歲何敢更有他圖焉與民休息戒已

滿惟祈時若綏豐連

詠古箋十幀

謾謾長松佈綠陰苔磯獨坐釣蘭渚魚無魚有都不計  
相映空明一片心

右沈周苔磯獨釣

注目遙看落峽波觀為意較聽為多奚僮不識其中趣

欲問形聲是什麼

圖中主僕相  
顧意如此

右唐寅松陰觀瀑

松間石上坐移時未解幽懷何所思僮子攜琴弗藉鼓  
清音山水自宣之

右仇英攜琴靜憩

石臺清迥俯秋江  
遠岫拖眉列一雙  
山態溪音歸靜眺  
兩相忘者是擬從

右文徵明崇臺秋眺

淡然無事坐船脣  
避暑延來秋意新  
見文嘉識不肯一竿橫

膝上恐防人擬陸  
皮倫

右文嘉澄湖放棹

綠樹青蔥護梵宮  
鉞尖獨出欲凌空  
唄文宰堵原標意

佛標身經標口  
塔標意見梵經  
直喻色形影現中

右朱朗精藍塔影

新秋雲嶂尚餘青却看丹楓綴幾星此景未曾經目覩  
知他溪壑寫南屏閱自治麓頭所題遙指南屏一望賒之  
句自係西湖初秋景物而向日南巡  
俱在春天宜此  
景未經目覩也

右陸治青嶂丹楓

含青柳尚帶輕黃選葉棲鴉意不忙却是東風解別趣  
與之一晌助飛揚

右項聖謨新柳棲鴉

照水山花不計名，帶雛江燕逐飛英。  
頰頰中具顧復意，物豈無知看有情。

右王維烈野花江燕

月明不藉燒銀燭，楓葉權當桃朶紅。  
園中景如是蓋傲李，白春宴之趣而

易以秋寫出伊家太白景，至今搖動有清風。

右李士達秋園宵讌

山陽一曲精廬



傍晚有餘暇山陽一曲遊愛他平且近於學得同不聖  
之言無不平易近人制藝代聖賢立言惟以達於義理  
為當今年會試所取之文仍有意尚新奇者轉失先正  
矩矱因覆試斥列後等者多既分別罰設務奇斯遠仍  
停殿試並將考官等議處以示懲創

當性裏求示端吟五字隨處理堪搜

### 琢情之閣

擬額圖新內翰常閣成取用未加詳情宜靜耳豈宜琢  
畧悔安名似弗當

按情發於性惟靜乃可以復其始將求還淳樸之不暇

安可加之雕琢哉向時內廷翰臣擬是額意在圖新而理實未當偶未檢點用之每來此有句未嘗不以為悔

懷風樓有忸

巖枝或作風颯颯胥無心架樓以當之曰懷有義尋乘閒偶拾級自問德可堪况茲海宇廣率稱仰德音抱愧之不遑那更快披襟

對瀑三首

從來對瀑有詩徵此處香山亦絕勝細聽今朝音似壯

悟因昨雨助之能

嘈嘈切切下高懸白傅詩中大小絃怪彼未曾對瀑用  
琵琶豈古樂音傳

瀑瀑湍流此嶮間是聲是色別之艱何如付與空山去  
千古饒他對以閒

得一書屋有會

得一謂領要然而繹義難山趣固易耳絮矩心之官孟

子思則得究誰契其端吾更於箕疇凜三曰憂焉

向作讀洪

範言以六極自省幸免其五而不能去其一所謂憂也如春憂雨之不足夏憂雨之或過秋憂歲之不登冬憂雪之未降至於古語說之八弊時憂其或萌合衆中之萬民時憂其失所謂先天下之憂而憂者不可究極盖予仰承 吳思得建五福五代之堂數十年來宵旰拳拳不惟不敢去此憂而且不忍去所藉以為凝承之本實在於此今年邇耄耄而此憂仍不能須臾離者轉若有得於此是以安之若素幾不自覺也是一允得之斯須離以艱茲乃人所惡而吾與之安

淨涼亭

一畝為池貯碧滄小亭恰在水之方清和却似夏午熱  
心目欣茲沃淨涼

題和闐玉龍頭龍尾觥

龍頭龍尾觥胥合產水產山珍略分

和闐玉有山產水產之分產於山者其材多大

而間雜石性產於水者材雖較小而體質多光瑩茲觥蓋仿漢龍頭龍尾觥式為之者惟玉有產水產山之不同然皆通體潔白可珍貴也

文企趣時愈已闢事須師古說攸聞本身率就圓

圖質通體聊加饗饗紋置漢器間渾弗別不孤追琢玉人勤

詠古橢片瓷

橢片出越窯較唐宋應久非盤亦非碟

今俗稱小盤為碟于字典無此

訓盛水不盈口是誠無用器何以寶同玖徒因閱歲深

滄桑互珍守髻墾七釘存唐宋或弗取

玉華岫

玉華據嶺中弗高亦弗低四鄰圍秀峯名曰岫亦宜其

穴有溫泉可育桂樹枝

京師育桂者入冬多於此間收養之以其地向陽而人有溫泉

以資灌溉也

向因額玉華金粟尚非時而其青蔥葉已與房

檐齊物仍資培養絜矩人材思昨甫經會試有愧菁莪時

題正凝堂

向來繹周易前歲闡中庸

向題正凝堂每就易鼎之卦德外離明而內巽順尋繹其

義前歲又別會中庸之旨有句云中則無不正凝叶庸  
之理要之無過不及不偏不倚亦即人君正位凝命之  
本理原一貫隨處契理有必合逢源無不從治人先修  
體認無不契合耳契理有必合逢源無不從治人先修  
已去怠要思恭乘暇偶遊至失言戒動容

### 就松舍口號

處處山房號就松功因事半得佳逢設如以樹喻長  
上聲  
者吾未能焉愧改容

### 雲巖室

巖實雲之骨雲乃巖之貌築室於其間資殷得彰效前

朝冒雨來慶或麥收兆茲復英出谷再霑顓澤報徘徊  
眇天宇知足吾敢告

題碧雲寺

古寺隔山嶺興來也弗遙雖云探淨域却匪問僧寮寺規

制壯麗林壑絕勝昔年重加整葺惟樹色連天迴雲容

釀雨調梯巖樓閣壯往事嘆前朝碧雲菴建於元時明稅監于謹拓之為寺

俗名于公寺魏忠賢又重修之皆費資累萬是時政治不綱緣人恣橫良可慨嘆

洗心亭



寺左山房清可尋方池四柱翼然臨試泉片刻圖悅性  
是亭在碧雲寺左騎泉為  
之其後即試泉悅性山房熟路行來早洗心

普覺寺瞻禮

舊名雖屢易普覺傳

定稱寺為唐時古刹原名兜率後名昭孝又名洪慶明  
曰永安至雍正十二年重修乃賜今名舊傳

中有卧佛像二今祇存其一故俗又稱卧佛寺恭讀  
御製碑文云佛遊有四一者行二者住三者坐四者

卧以是四法名之曰遊然則豎窮三際橫亘十方惟一  
真心泯絕對待又云一佛卧遊十方普覺此賜名

十方普覺  
其義見  
之義也

御碑衍繹識

聖情行住與坐卧四者人之恒卧似無所覺惟佛覺無  
停何以知其然試看卧者仍按指海印光動念塵勞增  
我若按指海印生光汝纔  
動念塵勞頓起見楞嚴經是為普覺義靜示寂上層而  
猶五字宣全提誠未登

題含清齋

含清因何名蓋以山水美而吾意所屬寧在目與耳大  
清億萬年億萬雲孫子慎守奉

天恩無窮願舍此

古意軒

此寺富於水方池隔齋軒四圍廊可通鏡光含照間舍  
清既有詠古意得無言適意已引之推行在遠孫

丁未題此

軒有云如是百千秋吾意興之與  
蓋引而未發茲二什特顯揭之

夜雨

四月十五日

夕雲彌四山夜雨霏初宵時疎時密間止以子半饒五鼓起  
披衣京兆報曙朝三寸有餘霑允稱時若調昨日厯山田木

黍種出苗麥或有結穗高低弗齊條風沙恐致礙視已  
心為焦此雨誠及時旱象或可消時若豈易言夏秋時尚遙

香山迴蹕至玉泉山即事

香山來往率由茲實以路中小憩宜取直前朝未停駐

往歲至香山先於靜明園傳餐小憩此次因取道青龍橋北較覺徑直是以未經駐此迴仍清曉

重棲遲田苗雨後香生此昨夜峯樹湖前景遜其時况

亶稱何修得惟增惕慎敢愉怡

題樂景閣

湖中舊層閣樂景以題名往雨來過平雨十一日往香  
茲十六日迴御園山清水復清得無心近放祇覺意為  
前夕又得雨三寸

驚五字速成什君難永泐楹

靜緣書屋

靜當息諸念念息則無緣然而造此艱無已主靜先太

極說定之

周子太極圖說云聖人定之以中正仁義而主靜立人極焉

主靜為要焉

儒家實際學而非類談禪

虛受堂口號

佳景隨緣虛受披顧名思義可無辭長年人或多自  
是兩字吾應戒在茲

憩雲齋

散稱行與聚稱憩雲實其間付不知今歲幸逢春雨屢

於齋那敢更陳辭

前年此時以雨未優霑題是齋有過時方冀雨作霖當霈空之句若今歲

之屢逢甘澤二麥現俱吐  
穗結實何敢尚不知足耶

直隸總督梁肯堂奏報麥收九分餘山東巡撫吉

慶奏報麥收八分詩以誌慰

齊地較遙直隸近發章前後到來同

日吉慶摺於昨十三  
拜發梁肯堂摺

於昨十五日拜發以直隸較近數日是以同日奏到幸登九數幾惟北今歲雨水

均極暢茂現屆將次成熟例應先報約收分數茲據梁肯堂奏直隸省二麥約收九分有餘者永平保定河間

天津正定廣平大名七府及遵化深州定州所屬九分者順德宣化二府及易州冀州趙州所屬八分有餘者

順天府所屬七分有餘者承德府所屬亦逮八分山東通計十一府六州麥收約九分有餘

吉慶奏山東省二麥約收九分者兗州沂州二府及濟寧州所屬八分者泰安曹州東昌青州萊州登州六府

所屬七分者濟南武定二府及臨清州所屬二省昨年間屬通計十府二州所屬麥收約有八分

去遭歉去歲直隸河間天津等六府山東德州濟南一聲遭歉帶均有遭歉之區雖當即優加賑卹並分別蠲

緩俾徵而新正施惠厯念青黃不接仍令展賑或二月  
或一月以資接濟茲幸該二省麥收一律普豐覽奏深  
為農慶一時蒙澤普資窮手加額覽同民慶慶感益增怵  
惕衷

臨米蘇詩帖戲題

米作誠顛耳

予嘗愛米書而薄其詩是以向臨芾然徒  
帖將此十二萬夫可勒賀蘭云云題後有

直是顛翁作顛語之句又見芾詩帖有云青松本  
無華安得保歲寒益不可解謂之為顛洵不為過蘇詞

差勝之較於唐格律中晚亦輸其

以蘇米之詩而論蘇自較勝然米之詩不如書亦猶



蘇之詩不如文子謂蘇文可匹韓柳而詩之格律非但不及盛唐並不能追蹤中晚此亦限於時代使然耳因臨二家書並識於此

河南巡撫穆和蘭奏報麥收九分有餘詩以誌慰

隔日接看豫撫奏九分收麥尚稱餘河之南北秋胥報

地有瘠肥檢畢書

昨日方據直隸山東兩省奏報二麥約收分數均屬豐稔今日穆和蘭奏

報亦即踵至據稱豫省一百八廳州縣二麥約收九分有餘者祥符等五十州縣九分者陳留等二十六廳州縣八分有餘者寧陵等二十九州縣八分者泌陽等三州縣合計通省約收九分有餘等語該省河北地方高

燥之區春雨多缺收成易致歉薄所幸去冬雪澤溽霑  
今春又復疊沛甘膏是以麥田無分肥瘠一律稔收攬  
奏倍加總計中豐以上獲所欣舊歟亦為舒去年彰德  
衛輝懷慶  
欣慰  
三府曾屬歉收特為截漕賑濟今歲俱獲中豐幸民蘇  
以上民氣當可蘇息感蒙吳賜益切敬寅  
息能無慰慰敢心愉敬切予

題關槐洋菊九種

東籬何事濫西洋瓣瓣如拖綬帶長  
究是此花違本色  
故應拖紫不紆黃

右綬帶紫

風前常作翩躚舞  
鮑照神傳賦不殊  
似解陶家三徑畔  
亭亭羽客那應無

右鶴翎素

辦膳脂蕊簇金黃也  
具盈盈裏露香誰與調  
停號搓粉等閒奪得壽陽粧

右搓粉粧

淡黃千葉大如蓮  
君子隱人殊不懸  
却有三分思故土  
帶來蜜蠟貨洋船

右蜜蠟蓮

翻翻輕翅掠叢芳純白胡然攘却黃設以春情論秋色

故應迷目訝梁王

蝶黃花紫梁簡文春情詩也

右蝶翅叢

俗稱徒艷狀元紅冒菊當知惱醉翁五斗折腰猶不屑  
奪標豈在彼心中

右奪錦標

如絡細英蕊纈金垂垂萬點淡紅沉勞勞亭畔如相遇

寫盡離人一片心

右萬點紅

色縱奪朱心不改輪中金粟散天香可知彭澤使惡紫  
結友淮南尚覺當

右桂叢紫

團如杏子綴枝垂本色喜他未相聲入離洋菊各色錯出而黃者却少故  
云花譜謾訾比擬錯落英亦有可餐時

右杏子黃

廣東巡撫郭世勲奏報二麥收成八分詩以誌慰

粵東地少人稠處二麥青黃實藉資收早故斯奏早至

廣東地少人稠土性於二麥相宜是以種植甚多青黃

不接之時民食頗資接濟且其地氣候暄和成熟登場

較閩浙兩省尤早故道里屬分統計八分貽據郭世勲

雖遠於閩而奏報先至屬分統計八分貽據郭世勲

省收成九分者東莞海陽二縣八分有餘者三水德慶

等九州縣八分者南海海連平等三十八州縣及南澳同

知一廳七分有餘者海豐等三縣七分者龍門連州等五州縣統計各屬麥收八分等語雨暘更幸

時多若中晚兼稱稻可期並據該撫奏稱粵東兩暘時

若田水充盈各屬中晚禾稻

可以豫期一律屢沐  
稔收尤堪慰念

天恩閱佳信

今歲春夏以來京畿及近省兩澤優霑麥田茂為近數年所罕覩日內梁肯堂吉

慶各奏直隸山東麥收均九分有餘穆和蘭奏河南亦有八分屢沐

上蒼率育鴻慈欣感之餘不知如何

兢惕始克仰副也

自維何以克當之

### 詠漢玉龍尾觥

玉觥一具櫜而斜朱襮千秋浸土華較以和闐今作者我心先得竟無差

是器不中規矩蓋就其本來之材而作者古色沕穆不知經幾千百年近因俗製和闐玉器者雕幾瑣碎

徒傷良質而不堪寓目故和闐春秋貢至每命就其  
玉之本質弗計斜狹倣漢式為龍首龍尾等觥偶觀  
是器竟同新造者但其古不可及因成是什並識於  
後

詠和闐玉倣漢龍尾觥

此和闐山產石子也色青質潤就其形體命倣漢  
龍尾觥式略施追琢而遂成器寓因材造就之意  
焉



就形具窳

蛙音窳

寞音得擬炎劉浸上聲土周身潤產山幾

百秋琢磨功略施去聲饗饗戒猶留可謂曲成善於人似

此不

用人之際若求全責備亦有所不能也

雲南總督富綱巡撫譚尚忠奏報豆麥收成九分

### 有餘詩以誌慰

春雨頻霑各屬均麥薺蠶豆早登困九分以上秋稱獲

據富綱譚尚忠奏報滇省各屬清明節前晴雨調勻農  
田長發茲省城復於三月初四日霪雨連綿自朝至暮  
入土深透不特春種各項咸獲滋培即秧針得此霑濡  
尤見暢茂現在蠶豆早已成熟紛紛收割顆粒飽綻較

勝往年其大小二麥亦揚花結實漸次登場據附近州縣報稱收成約自八九分至十分不等均極豐稔此外較遠各屬按其旬報亦與省城相似百姓之流氣普聞約計通省麥收在九分以上等語

況是銅鹽課胥足

銅鹽二事最為滇省要務近年以來大功寧臺等處各礦廠產銅尚旺抽

課充裕每年運京戶工兩局額銅六百餘萬斤以及本省鼓鑄並各省赴滇採買之項足敷支給至該省黑白等鹽井十八處煎辦官鹽均照定額撥運各屬行銷民間錢貨流通鹽價亦無昂貴之處更應休養俗教淳遙遙萬里慰南望戒爾滿生守土臣

雨

四  
三月廿三日

徹夜濃雲佈五更大雨施難量寸為數去聲直至午之時

薺麥穗增飽黍禾苗益滋依旬仍較近自十五日得雨三寸後至今未

反旬日又沐甘霽感  
忭之餘彌增敬畏  
轉覺畏勝平怡

福建巡撫浦霖奏報麥收九分詩以誌慰

麥結穗資甘雨優七閩又報九分收據浦霖奏稱閩省自入春以來雨水

透足二麥暢茂現已陸續登場核計通省除臺灣鳳山  
二縣土性於麥不宜向不種植外其餘六十二州縣內

收成九分有餘者閩縣等二十四縣九分者福清永春  
等十九州縣八分有餘者古田龍巖等十四州縣八分

者漳浦等五縣統計通省麥收共有九分民間得此稔  
收口食接濟生計饒裕氣稟倍覺恬熙等語披覽用深

欣慰似茲近遠普霑既欣慰敢忘三者憂今歲南北遠近各省普邀

天澤優施康年有望心實為之欣慰然正惟得此愈不敢忘戒慎之心冀疇所謂三曰憂誠念茲在茲而不敢須臾釋也

還宮閱卷作

傳臚返禁城渥雨喜新晴  
曬潤麥薶協高低禾黍生憑

觀真滿志自問益惶情  
細閱十魁卷都知予戒盈

向例殿試

前一日由讀卷官擬題八條請旨示定四條然後撰擬策問今年第四問保泰持盈非讀卷官原擬乃予特命發問者今日呈進前十名卷詳加披閱尚知發揮此義此予夙夜單心宵旰而多士草茅新進竟能共喻朕懷此中庸九經之所以貴誠也

復雨疊廿三日韻

四月廿六日

已喜晴三日甘膏復繼施是誠鮮所遇允慶正宜時呼

鵲任曦霽

農諺鵲呼晴

出蚯識土滋

四月蚯蚓出亦足為雨透土濕之驗

恩魚誌畏敢曰寸心怡

賦得和闐玉

得圓字八韻  
庶吉士散館題

自古和闐玉而今歲獻都春秋貢輪坵山水料相殊水

產品多秀山生質或麤麤恒丈近有

和闐即古于闐史稱撈玉河中今採

得入貢之玉產於水者多潤澤而未見以尺計者產於  
山者雖石性而或至盈丈蓋所受山水之氣物性固然

而美質每艱大成鉅材或嫌微類亦可絜矩用人之道也秀乃尺盈無物理難全矣

人情可譬乎載車餘萬里弊竇亦三吳

已亥歲葉爾羌辦事大臣高樸

私派回人抹玉通同蘇州奸商張鑒潛運至吳製器售賣以牟重利事發各抵罪

應識舜捐語

漫誇禹治圖

前得密勒塔山大玉高七尺博三尺實為瓌材未可以尊罍小用因倣宋人畫蹟琢

成大禹治水圖作詩紀事歸本於服遠之德蓋因物示訓所以垂戒亦未嘗不自惕也

千秋戒貽

世五字過吟吾

喜晴

四月廿八日

四月虞雨過向年實所稀於時將麥熟宜曬藉曦暉曉

霧消雲散晚雷驅霽飛

農家夏日以早霧占晴雨日內微恐雨多今早霧氣瀰漫辰初

果即開霽申刻適有雷聲作陣盡驅殘雲晴定始寬憂慮

西陽喜晴定益敬敢心違

畿南稱雨好

今歲直隸各屬雨澤普霑麥田已可約收九分餘今日又據梁肯堂奏保定省城於

昨廿五日夜間密雨達曙入土三寸密雲昌平等州縣於本月初十一一十七八二十三等日得雨自二寸至五寸不等麥粒愈加飽滿夏禾倍覺青蔥於農田大有裨益

湖北望晴同

今日又接福寧奏稱湖北

省二月中雨水已優近據通省十府一州稟報自三月以來春膏普遍較往年更十分透足正盼天氣晴朗而連日開霽風日暄和二麥漸次登場等語北方向來春夏之交每虞雨少今年入春後雨澤連延日內轉至望晴竟與楚北相同實為厚幸

都幸

賜時若益深惕我中所期免致歉未獲敢云豐五字誌  
方寸兩章言出衷

江西巡撫陳淮奏報二麥收成八分有餘詩以誌

慰

西江雖弗餅餌重近亦青黃漸識資雪雨冬春二時順

麥薺省屬八分期

陳淮奏江西省產麥各屬內收成八分者三十二縣九分者四十三廳州

縣通省牽算實共八分有餘等語該省向雖不重麥收而近日皆知收穫較早藉資接濟栽種頗寬際茲雪雨優霑竟獲中稔並稱贛州府所屬之興國安遠二縣亦各試種有效其收成分數大畧相同覽奏益深欣慰



披章四字固稱慰持念一心惟守寅大抵中豐多報者  
自詢何以足當之

### 泉宗廟紀事

泉宗本是水之源久未臻斯淤土存

是處泉脉最盛甲申歲命疏濬沙淤

泉源暢湧因建泉宗廟祀來以未常臨幸奉宸司苑者

神傍置亭臺以供遊勝年遂不經心任事又致淤墊

者多設不亟加挑濬日久將成平陸矣

亟命疏治

平聲春日早即看芄發夏

田繁

今春二月中過此見水源淤壅鱗塍半已涸露因將向來經理不善之員分別懲處即特派蘇楞額

永來督率估計約需用內帑萬餘金和僱民夫上緊挑挖深通以資灌溉並以挑出之泥加培四近土山補植

樹木茲策馬來觀則將次歲工水泉已旺畦中一望瀾  
瀾稻秧茂頓為改觀乃知事在人為尤不可不親加  
省攬率作興事即此一悟非親攬多遺處事在人為不  
端可以絜矩諸政矣

易論一可絜凡滋自慎用因成律示來昆

主善堂言懷

少年之書堂曾以樂善名耄歲此溪堂亦久主善稱樂  
主似各別然總出乎情樂則近有為主實尚未形未形  
與有為本末原分明學詣少及耄等差於是呈

扇溥室口號

書室半圓肖扇去聲為扇平聲淳遂以額題楣今來小坐思

其義即境稱名內忸之

### 湛虛樓漫題

湛固水之性虛實水之德德與性相資如鳥之兩翼是

以梵經中亦每言空色

色即功行空即禪定其言色即空空即色乃引初學語其

理原合儒執空墮形迹

### 挹源書屋

丁亥額題曰挹源率因泉近欲窮元政詮學業胥有始

愧未詣精可漫論

集遠堂自箴

書堂開向遠遠景莫不集雖均目所延實乃心以入然  
我有別會遊覽匪斯急堂經數十年不少遠功立偶值  
軍務籌坐此恒憂悵絕域幸皆歸我武覃應戢設仍不  
知足長此安窮給

觀瀾亭

觀瀾豈易曰觀瀾當識盈科進有端寄語學人應志道

子輿語莫等閒看

自泉宗廟至聖化寺虛靜齋有作

步輦經二里憩齋閱十年

自癸卯年題此齋後閱令十年今春曾至聖化寺却未憩

坐此齋

聖蹤餘想像治道愧遽延虛允納良本靜為理劇緣七

旬流水逝

齋額為皇祖所題迴憶自十二齡受恩以來歲月如流倏已七十餘年每思

祖武祇益慚懷追憶祇慙然

欣稼亭口號

萬泉水湧波瀾濶二麥雲齊餅餌香鱗疊溪田稻秧蔚

微欣督理不孤忙

是處從前泉源暢涌之時稻畦鱗次頗稱勝舉乃以數年未來而司事者

竟任其淤墊既令議懲復發內帑挑挖今晨至此不特塘中水波激灑二麥雲齊而稻秧蔥蔚頓復舊觀亦不孤今春之督理也

羈翠軒得句

軒在假山巔迴廊接以上由廊須步陟拾級艱攀仰輕輿自岡登至軒騁目朗人勞已則逸此愧亦堪想

得真齋

佳景供看謂得真試思能所究誰親能看者在人  
所供者在景真當

於一弗於二此得還應屬熟洵詩洵美且  
都信也

賦得松風水月

得間字八韻  
朝考題

聖教序中語久哉薌世間四言誰不識一義要惟閒豈  
獨表禪窟真成揭理關松寧知動靜水泯意潺湲風拂  
情相習月臨趣互閑華非邈直崦清自映澄灣無照目  
三覺有聲耳八還欲詢彼元奘是見可曾刪

恩賜故安南國王阮光平加謚忠純詩以誌事並

命勒碑

今春據郭世勲陳用敷奏報安南國王阮光平病  
故世子阮光纘遣使告哀并籲封襲爵朕念該國  
係新造之邦且阮光平歸誠忠順深可嘉惜因製  
詩賜輓即命廣西按察使成林不待該國使臣入  
關先行馳赴賜奠宣封俾得藉天朝寵命以鎮撫  
疆土茲據成林覆奏出關以後居民安靜恬熙見  
龍亭儀仗經過無不扶老攜幼泥首路旁歡聲感



激細詢沿途員目等該國歲稔人和非上屆情形  
可比行次仙麗地方阮光纘遣陪臣等遠來迎接  
自於嘉橘地方率文武大小陪臣跪迎祇候謹遵  
天朝定例行先封後祭之禮成林見阮光纘雖年  
居幼稚而器宇端凝即傳諭大皇帝種種恩諭伊  
深知感戴並云不待部議先行簡派大人南來封  
祭逾格寵榮自古未有感頌流涕不已遂於四月  
初十日傳旨錫封成禮該國鎮靜諸陪臣皆循分

輔翊並無主少國疑之慮既釋遠懷因成長律

歸藩拭淚別楓宸

庚戌八月阮光平入覲祝釐備加恩禮迫陞辭歸國之時依戀不忍至於

垂涕屢奏俟至庚申歲聖壽九旬大慶再當恭覲闕廷情詞實為懇摯

迴首頻稱覲九旬

囑令西湖以身妥示依北闕誌心親

又據成林奏阮光績既受恩封並告

稱阮光平彌留時諭以昇隆地處安南疆域之中可以控制各鎮西湖風水佳麗即可於此安葬況西湖較義

安地方距天朝鎮南關近十數站我感受大皇帝深恩庶幾魂魄有知亦可近依帝闕以表始終依戀之意等

語閱之深堪憐憫伊以外域藩臣竟能如此忠純立志深知大義洵宜褒恤耳似茲亂命同治

命忍謂外臣誠世臣藻什七言勒琬琰桂疆十載識忠

純

曉涼

孟夏之下澣

廿六日也

喜晴繼復霏畏霖怯已甚即霽憇猶

微

廿八日也

自此消雲宇竟能涼曉衣五朝心畧定緣冀麥

收肥

目下二麥漸次成熟得此晴霽曝晒于粒更可飽  
縫而氣候曉涼亦麥性所宜於收穫尤有裨益

詠漢玉龍首觥

龍尾多看龍首鮮

上聲首觥祇此

內府藏舊玉龍尾觥頗夥龍  
一器製古而質淳洵漢時

物似初九或是重乾戒觥勿用同饗餐刻體無妨現半

全珍此歲陳出炎代非他年貢自和闐玉河良質頻曾

倣

近年頻用和闐玉倣此式為之

舊勝新惟器亦然

末句反遵任語意

### 端陽節作

去歲端陽亦曾度却因逢閏日為長

去歲自春入夏望雨滂淫至閏四月

廿九夜始得甘霖入土五寸繼於五月初二日復得雨滂沛較之往歲夏至後尚殷盼澤者已為幸是以端陽日仍舉競渡慶節蓋不欲過於矯情且俾眾役得邀賞賚也然去歲遇閏四月節候雖甫交夏至而以日計之得雨之期已不  
夏初春末彼愁甚暘若雨時此幸償今  
嘗五月杪矣  
春夏以來晴雨時若不特較上年迴不相侔並為北地近數年所罕覯而各直省奏報麥收又多稱稔于風夜

劭農之念為之慰喜茲值佳節所司依  
例陳值正宜慶賞施惠不必止之耳  
那可矯情弗酬  
節亦惟識畏略成章顧名一再思其義止以金柅義象  
詳

浙江巡撫長麟湖南巡撫姜晟各奏報麥收分數

詩以誌慰

湖南收早浙收晚奏異近遙到却同

湖南氣候較暖於浙江二麥收成亦

早且湖南距京四千五百餘里浙江止三千三百餘里  
是以姜晟四月初十日所發之摺與長麟四月十八日  
所發之摺却同於統以八分有餘計據姜晟奏湖南省  
五月初六日奏到宜麥之區向止湘

陰茶陵等三十一州縣該處地方舊臘今春雪澤雨水  
優霑入夏後晴霽經旬二麥大有裨益現已刈獲登場  
查收成九分者沅陵等二縣八分有餘者茶陵永明等  
八州縣八分者湘陰道州等十八州縣七分有餘者華  
容等三縣通省麥收計八分有餘其大田禾苗益見茂  
發農民爭相蒔插田功大起歌聲四野氣象恬舒等語  
又據長麟奏浙江省春雨充足二麥菜豆長發暢茂現  
俱一律收成內九分有餘者寧波府屬九分者紹興金  
華衢州溫州四府屬八分有餘者台州嚴州處州三府  
屬七分有餘者杭州嘉興湖州三府屬通省春花計收  
成八分有餘等語二省春收均在八分以上雖非上稔  
洵可謂之中豐民食得此接濟當益寬裕矣

實中豐浙嫌寒畧惜蠶遜

又據長麟奏稱杭州嘉興湖  
州三府屬蠶絲均約收七分  
有餘因四月初旬天氣稍寒是以未能十分豐盛雖衣  
食俱闕小民生計而食尤重於衣幸麥收不致有減為

之欣  
慰耳  
湖喜雨霑起穡功曰食曰衣總民要殷殷孰不切

闕表

午熱

八朝晴定晚欣涼

自廿八日晴霽至今已閱八日頗喜  
曉氣涼爽今午甚熱雖云晒麥為宜

又慮蒸鬱雲起即此見為  
君之難無時可釋縈繚耳却以炎薰熱異常農諺縱稱

催麥熟夏時又恐逗雲穰細旃廣厦雖避暑下隰高原  
切益忙因識逮佳更愁失為君難那易言詳

製玉熨斗銅膽因成是什

玉斗失銅膽久曾詩惜之

是斗僅有玉匡而無當不可以盛火蓋原有金爐膽置其

中久失之矣乙未詠此器有斗熨猶看玉爐盛早失金之可以惜之

爰循漢摠例

是器增之以銅

膽即可化無用為有用亦如玉摠頭餅內置銅膽方可插花也

可用熨衣施補廢為成

者得全因半其自思措諸政絜矩詎如斯

御製詩五集卷八十一



欽定四庫全書

御製詩五集卷八十二

集部

欽定四庫全書

御製詩五集卷八十二

古今體八十首

癸丑六

江蘇巡撫奇豐額奏報麥收八分詩以誌慰

麥佳蠶遜奏杭州隔日江蘇亦報收雖不中豐却非歉

據奇豐額奏本年江南雨澤較多高區田畝頗獲有收

墾下之處未免稍有積水以致二麥略減校計收成九

分者常州府及海門廳屬八分者松江太倉通州等三

府州屬七分有餘者江甯蘇州鎮江淮安揚州徐州海

州等七府州屬通省合

計麥收約有八分等語

祇因春雨惜過優幸哉此地竟

逢霽再以旬朝可獲秋遠近吾民胥赤子九疇那免一  
心憂

仲夏萬壽山清漪園作

十日開晴心畧定名山欲一攬清漪半宵又報雲生片  
侵曉微逢雨落絲佳景雖供目嫌侵碧霄凝望意難怡  
時霏時止不成寸快霽宜暘切繫思

鑑遠堂

清漪一片渺無涯鑑遠因而堂額之披望即時生別會

詳遙忽近亦堪思

治鏡閣有會

銅鏡及玻璃胥藉人力為若水之稱鏡澄照自然披力  
為者有欲自然者無私故此湖中閣治鏡昔名之勅幾  
敷政間大公順應施庶幾如水乎吾猶日疊斯

袖嵐書屋

嵐固山之氣

氣為山氣故字从山露為雲容故字从雨  
謝靈運玉維詩皆以嵐氣為夕至李商隱

始有徙望朝嵐與夕曛之句蓋以嵐屬朝向駐蹕避暑  
山莊以朝夕風信驗之晚風息後夕則有嵐若遇終風

則夕無嵐是嵐當為夕無  
疑也詳見辛丑嵐霽詩

世乃用之山謝

運王

維

言之

明謝靈運晚出西射堂詩夕曛嵐氣陰王維送  
方尊師詩夕陽彩翠忽成嵐是皆以嵐為夕

皮休杜

牧混以縈

皮日休詩桃枝竹覆翠嵐溪杜牧詩  
云紫嵐峯伍伍是皆以嵐為縈矣

一從名

象起如斯者實繁京兆詠爽氣

韓偓詩西山爽氣生  
襟袖偃京兆萬年人

云

在襟袖間我謂其語佳題額書屋顏襟袖寬幾許山氣  
容非艱悟同方寸中萬物備以閒

澹會軒

有情能無會其會不一矣會於動逐物會於靜近理澹

者靜之類會於斯為美曰美亦絮言試觀軒前水顏淵  
事四勿盖合澹會旨

無盡意軒口號

軒面明湖背好

上聲

山詩情畫格肖都艱設詢予意無盡

者却在祁寒暑雨間

藻鑑堂自警

藻鑑顏堂以水清而吾取喻用材驚最宜先戒執已欲  
實不易知御衆情似此澄波方淡沲任他浮葉自菁英

其難惟帝垂禹訓思義恒因惡顧名

夕佳樓題句

最愛陶家詩趣閒向西樓率額題顏

避暑山莊及此清漪園中皆有之

遙其塞上翻林疊近此園中印水潺在彼在斯寧有隔  
為雙為一却無關然於遊每戒留戀騁目何曾對夕間

每遊此不過辰至已返未曾用晚膳待夕景故尹繼善有馳驛登山之譴不怒之而更以為是也

斜陽落照

消雲倬午快晴申落照斜陽萬樹均此見山莊秋首況

何當御苑夏初臻

每歲駐蹕避暑山莊當夏秋之交時雨既足率以晴霽為快今年京師甘

澤應期優渥目前喜晴光景竟與山莊秋首相似以視往歲夏至前後猶殷盼澤者奚啻霄壤耶

誠資

宜曬滿飽餅兼愜無泥暢發輪

是月望後一日將啓蹕幸熱河日來得此晴朗

不特二麥更可曝晒飽滿而發軔首途輕裝利便扈從人等尤深欣愜耳

曰慰便虞心近放

竟艱一刻得怡神

### 西直門外作

北郊臨祭進宮齋清曉輕輿歷石街麥已逮收禾黍茂

往年實鮮見斯佳



見佳更切戒盈哀曉日輕雲色作紅細縷全消碧天淨  
宜暘乃得釋憂忡

未曾田况見斯前望霽心殷刻企然苟患失之無不至  
仲尼語獲我心先

養心殿齋居

夏五此齋居歷年頗覺炎春末夏之初幸逢

膏澤霑虞過弗虞欠氣清爽亦兼朗照蒸溽消涼颺拂

筠簾肅意祝宜暘穡事勤籌占

廣西巡撫陳用敷奏報麥收八分有餘詩以誌慰

粵西雖弗麥為重頗賴青黃接夏秋各屬不齊以統計

八分亦得有餘收

據陳用敷奏粵西漢土各屬土性不齊二麥隨宜播種冬春以來晴雨應

時所種二麥均極飽綻茲查漢屬內收成十分者馬平

縣九分者臨桂養利等十二州縣八分者陽朔全州等

三十三廳州縣七分者凌雲縣土屬內收成九分者果

化羅白等六土州縣八分者歸德羅陽等二十八土州

縣司七分者上下凍土州統計通省

漢土各屬麥收實八分有餘等語

民誠足食有何慮

我切祈年無外求近遠率稱香餅餌西成遙矣敢忘憂

詠舊玉穀璧

較寸雖微欠

周禮春官典瑞子執較璧又寶璽記穀璧徑五六寸云云是璧以周尺較之雖寸有

不足而質製均極  
右移洵落物也

春官一例傳星如霄宇照月實望時

圓那得非剛刺恒看閱永年不關圭瑁說

漢唐諸儒注疏周禮口傳

耳食斷斷於圭製之長短瑁底之圓邪臆為之說紛若  
聚訟向作圭瑁說以正其謬誤至璧則其製圓而肉倍  
於好子男所執判以子執自應然  
設猶不聞有異說也

四川布政使英善奏報麥收分數詩以誌慰

督臣駐藏未旋省

四川總督忠齡於前歲冬間命赴西  
藏軍營辦理糧務迨廓爾喀降順上

年大兵凱旋後又以議辦善後事宜留駐前藏今已全  
竣有旨令回四川省現尚未到是以此次藩司奏報麥

收亦成  
例也

例合藩司奏歲功麥竟八分之上獲

據英善奏三月以來

各屬稟報二麥萌豆有已刈獲登場者有現在場花結實者均各顆粒飽綻其刈獲較早之處即已翻墾稻田

撒秧泡種茲於三月初三初六至二十六七日屢得透雨普遍充盈不特新泡秧種青葱出水即豆麥等物

並加升漿助秀且夜雨晝晴晒瞭有資農務尤為有益察看通省春收約有八分以上現在糧價輕減人民樂

業等語

雨仍各屬以時充潤暄晝夜曰惟若稻黍高低可

冀豐番役武成兵事嚴與民休息信無窮

夏至日

方澤禮成述事

夏初春末際膏澤被

恩稠晴朗虔奉

祀安寧

鑒錫求躬承餘二載心感誌千秋設幸符顓願付兒三  
曰憂

安徽巡撫朱珪奏報麥收七分有餘詩以示予宿  
志

各省今年奏登麥中豐之上者居多

今歲各省奏報麥  
收中飽者多如直

隸河南福建雲南俱九分以上山東江蘇浙江江西湖南四川廣東廣西俱八分以上其餘山西陝甘等省因川獲較遲尚未奏到然該省時雨時若定亦稔收也欽徽却以雨滋甚高下牽惟

七少

上聲過

據朱珪奏安徽各屬春間雨水綿渥茲二麥已獲約收八分者婺源廣德等七州縣七分

有餘者潛山和州等十二州縣七分者桐城無為等三十一州縣六分有餘者懷寧壽州等九州縣通省率算計七分有餘等語弗至稔猶弗至歉既資黍亦更資禾農功恒

戒為諱飾因報少收肯飭訶

予於外省水旱田功夙夜闕心無時或釋每諭地方

大吏據實陳奏毋少諱飾其或有報水旱不時者必命以盡心撫恤斷不肯責以政治不佳所致若稍涉訓飭

必益諱災矣

啟蹕幸避暑山莊

晴雨洵時若，啓行趣曉寒。九重可耽逸，一意在求安。避

暑幸林籓，蒐秋待木蘭。東門仍策馬，

上年啟蹕日因值雨未御騎今晨仍

策馬啟行精力尚覺從容一時扈從送駕及安南迴國諸臣下逮村民瞻觀者無不同深歡幸

望副衆

情歡

過清河橋即事禱詠疊去歲韻三首

綠野欣他過，綠町

去聲

清河仍此俯。清波三章即景賡，舊

韻慶若何，增惕若何。

收定麥甦壙似壘長上看禾黍尺贏長敢云今歲勝去

歲益勵戒盈慎不遑

畿南山左胥收麥接濟無須費慮多

去歲畿輔春夏之際因旱歉收而直

隸之景州與山東之德州毗連一帶尤甚既屢降恩旨裁漕加賑並飭諭地方大吏毋許禁阻商販船隻俾得懋遷轉運以資接濟所以為民食計者無所不至幸而各處先後普得透雨尚有五六分秋成今歲北省賜雨應時直隸山東奏報麥收均在八九分以上大田禾黍亦出土茂茂間生計充裕予之厘念可幸稍寬矣

村老但知喜莫若淵衷那識惕如何

西安巡撫秦承恩報收麥八分有餘詩以誌慰



秦疆亦以麥為秋喜報八分餘得收

除據秦承恩奏該省沿邊之延安榆

林綏德三府州屬麥收較遲外向例先將成熟之處奏

報茲核查西安等九府州屬內約收十分者高陵等七

廳縣九分有餘者咸寧等十六州縣九分者孝義等十

二廳州縣八分有餘者興平等十六廳縣八分者五郎

等十五廳州縣七分有餘者留壩等

三廳縣牽算共計八分有餘等語

晉省甘郊胥未達

止遲

山西之北如大同朔平等府屬地氣寒冷西遠甘肅

又在陝省之西距京更遠是以督臣勒保奏麥收之

摺亦未費到然前此屢據該二省督撫奏甘肅山西通

省冬春雪澤既優春雨又復深透播種麥田緩之由約

雖弗致豐來告要不終當歉用酬

天貺春田勝往歲戒盈敢幸曰何脩

曉行

雲散寥天雨淨收綠芄禾黍露光浮迎人爽籟北來送

觸目曉霞東際流披拂輕寒麥性適

過懷柔塞雲遙北見麥田尚有未收

者曉來氣候輕寒於麥性最宜更可以資堅實

連延疎影柳絲稠

夾路綠楊驚朝曦不露

輿中披拂爽籟顧覽綠芄珠深欣慰

憑輿實覺中心慰慰裏仍增畏盛憂

湖北巡撫福寧奏麥收八分詩以誌慰

統一湖而南北隔麥收遂致弗相同南先曾以有餘告

湖南地暖麥熟亦早半月前已

北後仍惟正數充

茲據

據該撫奏收成在八分以上

奏湖北各屬二麥均已登場內收成九分者枝江等四

縣八分有餘者沔陽等三州縣八分者江夏等五十四

州縣七分有餘者羅田等三州縣七分者

武昌等四州縣合計通省麥收八分等語

邊地今歲南北各省而賜協序麥慶有秋節次奏報九

有七分收穫現惟山西南肅二省以邊地氣寒刈麥稍

晚尚未奏到然亦有八九分可望是全局牽算不失為

中豐此皆仰賴 昊蒼鴻佑惟

有額手感荷益深虔惕持盈耳

大都弗失卜中豐民

天國本方寸內綏屢虔求意不窮

出古北口作

三更作微雨一寸未成泥曉霽風吹爽遙山雲散齊出

關麥鋪盛

出口後見高下麥田蔚盛尚有未盡黃熟者蓋地氣使然正賴晴霽更得漿足粒綻耳

堆圃穗猶傒

不過一二旬內均可刈獲登場亦必須曝晒方可入囤盼晴既切轉為悵然

仍

祝多晴好憑興意怵兮

### 兩間房行宮即事

山雲易散亦易生陣雨忽霏還忽晴喜懼一時渾莫定  
總因收麥切關情

### 至避暑山莊之作疊壬子韻

夏山雨足氣清蘇霽景高低狀各殊百仞廣仁逾峻嶺

萬年承德莅名都家烟火衆思安彼

昔皇祖始建避暑山莊御

製詩有聚民至萬家又有萬家烟火隨民便之句今已述百年版籍戶口日增屹然一大都會不啻十數倍矣

八十三翁又至吾於此昨曾籌豹策詎期秋即歲鴻圖

上年五月至山莊時甫接福康安帶領大兵到歲之奏計日督師深入賊境予籌策決機日殷盼捷至六月中旬即得攻克濟龍賊寨之報嗣是七戰七勝連馳喜音廓爾喀畏罪乞降於八月下斡奏至情詞十分肫懇因憫其窮而准降罷兵凱旋武功十全昔所罕覯總由此事出於不得已不敢有一毫佳兵驕武之心是以仰蒙  
上蒼鴻貺昭鑒曲直助順師貞迅歲全局感激  
收慎之思言不能喻茲來駐蹕迴思又聞一年矣

永佑寺瞻禮疊昨歲韻

今歲來思昨歲前深蒙

恩佑倍增虔內疆暘雨均時若

昨歲自春入夏饑旬雨澤久愆日殷愁盼直至

閏四月廿九日京師始得甘霽五寸繼於五月初二日

復得雨深透其時畿南河北及山左等處亦陸續霽

始慰歷念今年則仰沐 昊恩各省暘雨應時二麥

中豐茲莅止山莊沿途歷覽農田氣象迴與去歲不侔

矣

外域順降早帖然

廓爾喀自知悔罪投誠不特歸降而且歸順福康安等所有諭檄事

件無不謹遵去冬貢使入覲恭順感激實出至誠自此

西藏邊陲可以永享恬熙之福神御咫尺鑒臨定

亦欣 幸值民安兼物阜敢踈夕惕與朝乾

豫耳

祖

宗光烈勵無忝歸政庶幾近二年

寫心精舍

舍構

神御側憩居額寫心繼繩一已切

謨烈萬年臨總是懷慚處奚為不負

作  
之  
負  
讀

任如求寧

志句無逸訓中尋

題鑑始齋

即今每撫席鑑始向顏齋旬二承

恩者八三莅政排修身勵無忝出治恐成乖百里半九十名言常在懷

雨

五月廿四日

啟蹕來山莊途中凡六日夜雨必朝霽真是宜行蹕先此於京都霑膏早盈尺慮過弗慮欠所幸麥收畢歷觀塞田狀棲畝穫未迄霖過虞發青以此愁慄慄茲山莊甫駐陰晴每不壹昨夜勢頗雄朝曦朗一律方幸曬宜



麥條復山雲出雷聲驅雨陣驟霏盆傾溢繾念坂塍間  
將得恐有失半時西照晃心定宜暘吉五字識君難方  
寸憂聊述

西峪

去歲西峪草發遲今歲西峪草發早

去歲有閏四月而五月中旬至此新

草始生蓋因三四月間此間雖屢報得雨總未霑足直  
於夏至前後得有渥澤是以長發覺遲若今歲春夏雨  
澤連綿長發因自應早而新芽為鹿所齧仍不致芽長  
彌望葱蒨要自可愛新芽纔茁鹿齧

之弗致茸蓬觀越好是寔山莊之所長西園南苑輸斯

巧快晴萬里無片雲  
灑露映日光  
晶晶慰我即恐慰鄰  
放虔祝秋成登萬寶

味甘書屋試茶

火候何曾悉淺深  
高擎茗椀滿來斟  
祇論全備不論俗  
陸羽傍觀笑弗禁

有真意軒口號

一無一有殊南北

萬壽山之陽有軒額曰無盡意

兩處恒教

平

題句頻

每年到此軒必有句戊申詩云無心詎有軒一二難分  
割去歲詩云曰真已屬多那更有無計益惟無盡然後

有真其義本自貫通若總總  
辨論有無轉覺失其本真矣

於有無中每致辯却令意

轉失其真

### 題秀起堂疊去歲韻

秀起今年勝去歲

去歲山莊於夏至前後始得透雨不似今年春月以來早沐優膏而刻下

塞外春田尚有未盡收穫者日前屢有陣雨未免又虞其過

甘膏早渥畧虞過快晴

已定心差

支韻慰昨日幸即放晴今早雖尚有陰雲至辰刻以後旋已散淨自此晴定再十餘日

得雨亦不為遲也

佳景纔堪問若何林舞因風秀自繪峰標以

日起予哦咄哉莫復志鄰滿敢忘前茲意怵多

靜舍太古山房

山房秀起堂之凹境以窈深額太古舍此太古惟靜宜  
歷千萬年誰計數而山房居然占之夫孰為能孰為所  
秀起標高實顯哉有顯無蔽亦豈可叶試於義經尋其

源異聖同憂萬物鼓

春生夏長天地之顯諸仁也秋收冬藏天地之藏諸用也然惟天地

無心故二氣自運行於四時之間乃能鼓動萬物而不與聖  
行不息充塞無間自來注疏家皆以鼓萬物而不與聖  
人同憂作一句讀則天地之無心成化轉不可見惟將  
鼓萬物而不與斷句而與字作去聲讀如舜禹有天下  
而不與之與則即不居之謂也不居則不知不知則無  
為無為則無心矣詳見向所作讀易繫辭上傳第五章

義書

食蔗居

本以東來得此名茲從西降失其實

山莊內西北巖深逕蹊徑繚曲與

辰來此信馬得之因構是居辛巳落成遂取顧長康漸入佳境意願此額其後復構秀起碧靜諸堂更在其西北初以東來得此名茲從秀起堂至此則又自西而降矣世間名實無定大率類此

因悟名實昌

有定萬事萬物同一律山礪瀑聲過昨雨林葉露光朗

今日輕寒恰稱

去聲

袷紗衫却笑摩詰詩若失

小許菴

安名豈獨標境迥思義每因窮理岐可識大無不由小  
吾當絜矩慎於斯

臺灣提督哈當阿道員楊廷理奏報早稻收成八  
分有餘詩以誌慰

一廳三縣屬却廣早稻八分報有餘

臺灣南北兩路今春自栽插早禾以

後陽雨應時禾苗暢發茲據哈當阿等奏本年節候較  
早各處早稻俱已成熟陸續刈獲登場除臺灣縣土性  
浮鬆向不種早稻外其淡水一廳及鳳山嘉義彰化三  
縣通計收成共八分有餘現在米價平減市野恬熙等  
語  
魚米鄉仍資內地

臺灣一郡向稱魚米之鄉歲獲豐  
收內地漳泉一帶每年資其撥運

接閭閻風久靖安居

該處自逆匪林典文等就擒之後數年以來閭閻安居樂業元氣久

復綏靖如常

撫茲海晏年豐彼益切戒盈畏滿予北塞南瀛

幸時若

今歲各直省麥收多在八九分以上過日巡幸避暑山莊歷覽塞外農田亦極茂自北及南

雨暘幸俱時若寸衷益增感惕

惕然方寸敢舒如

留京王大臣奏報雨並不多大田更資渥潤詩以

誌慰

關外虞優繾關內諭教馳問狀如何

昨因熱河連日雨水稍多京師相距

不遠情形得毋相同傳諭留京王大臣查明覆奏以慰懸厪

下旬屢霽亦非欠三寸

重霑實不過

按據王大臣奏京師於五月十八十九兩日得有微雨二十二日得雨三十以後連

日晴霽二麥之登場者既資晒晾大田以及雜糧得此雨澤滋培益見充茂雨水實不至過多等語麥已

收場資曬晾禾胥潤壠茂婆婆披章慰彼更慰此仍祝連晴豈厭多

### 題澄觀齋

山莊駐數日出禮竺藍仍例此傳餐憩於焉熙績應是非叅已克敬怠察心勝每至必留詠謂觀原未澄

### 翠雲巖



巖雖假象實堪稱剌峭傑池疊幾層翠自固佳無礙攬  
雲微覺厭漫頻興

壬纔喜此副名者丑却望斯莫實之

去歲望澤每盼雲興幸於五月望間

得有透雨喜其副名是以來此有說無十日前霖者獨  
善於斯何足云之句今歲甘膏頻被又虞其多顧名轉  
增疑慮今昨意中渾弗定巖惟卓立笑予癡

扎什倫布廟誌事疊去歲詩韻

班禪來駐錫祝壽七旬稱賚予多無算貪侵却有曾

庚子

歲班禪額爾德尼自後藏來山莊慶祝七旬萬壽因做  
建後藏所居扎什倫布廟為其駐錫之所節次錫賚駢

藩已極優厚加以蒙古及在京王公大臣等布施之物  
約有數十萬金乃班禪既在京示寂而其徒仲巴呼圖  
克圖歲歲堪布等回藏後不能酌量施捨各大寺廟及  
駐守之唐古特兵番等以致班禪之弟沙瑪爾巴垂涎  
厚積怨怒廓爾喀侵擾藏界並至扎什倫布肆行擄掠  
佛家本以空寂為教乃竟慳嗇居心為盜之招在彼徒  
衆固不能戒貪而藏中遺此番  
侵奪當亦知數使然無足怪也  
歲邊界濟呢宗喀等處命郭輝成德等率兵進剿即當  
示以兵威庶彼知所畏懼乃誤於已志私自授意喀布  
倫丹津班珠爾許銀賄和飾奏單率了事既而廓爾喀  
遣使來京朕因嘉其誠懇封拉特納巴都爾為王爵并  
其叔巴都爾薩野為公爵以示綏懷不意廓爾喀復因  
歲中所許之銀吝不肯給遂至再來滋擾彼時已忠一  
聞此信旋即自戕其孽固由自作惟是衛藏為歷輩連  
賴喇嘛班禪額爾德尼安禪之地康熙雍正年間兩次

用兵俾得安輯至今朕臨御以來振興黃教宏容小醜  
頻來侵擾若不加大懲創彼將益無忌憚因特命福康  
安等統領索倫勁旅及屯練降番等犇罪致討此事本  
出於不得已初無利其土地人民之心而恣為窮黷之  
舉此中曲直朕固早度必邀**知罪乞降應**於去歲四

月間進兵自擦木邦杏濟龍熱索橋協布噶東覺堆補  
木等處七賊皆捷殲賊衆四五十人指顧可抵陽布  
於是賊酋望風膽落再三遣大頭目至軍營乞降并一  
切恪遵將軍檄諭無敢違抗福康安察其顛懇實出至  
誠然後許為奏請朕既憐其窮蹙復仰體上天好  
生之德不為己甚亦即允其所請仍加恩復還封號去  
臘所遣陪臣來京瞻覲之下倍形敬畏伐叛舍服固屬  
常經而此次敵功完善朕實仰邀鴻覲愈深欣感  
迎思前後籌辦此事之初瞬閱三年今歲續又將一載  
歲中僧衆得以安禪番民亦俱樂業予之振興黃教諒

亦同深  
欣悅耳  
一瞬三年迅黃衣喜氣騰

敞晴齋

向詠敞晴六七月今詠敞晴五月杪大田資潤乃所宜  
麥速熟虞發青杪無時無日弗愁農愁固當然吾久禱  
屈指七朝連快晴憩山齋畧開懷抱繼而惕然復自責  
斯得毋又驕之道

山西巡撫蔣兆奎奏報麥收九分有餘詩以誌慰

候寒收晚待查詳

每年各省二麥未經刈獲之先例將約收分數查明具奏惟山西甘肅二

省地氣較寒遲於他省前據蔣兆奎奏明山西省二麥約收分數須於五月下旬始能彙齊茲於月杪奏到計其程途

仲月晦欣披報章九府十州雖有別此羸彼闕

信然

統稱祥據奏該省九府十直隸州所屬各州縣及歸綏

有餘者太原等三十三廳州縣九分者岢嵐等三十八廳州縣其餘間有為風所傷分數不無稍減八分有餘者臨汾等二十九廳州縣八分者永和一縣七分者絳州等三州縣然合計通省二麥約收尚實有九分餘

中豐已定登餅餌穉稼惟希若雨暘甘肅麥秋信將近  
顯然西望祝同慶

六月朔日作

七朝連霽已愜心一日究晴尤稱去聲志雖時聚散有雲

作却是疎朗無雨意然而踟躕惕不寧夕陽碧宇暉天

際幸符農諺望秋成

農占以月朔晴則一月晴而調勻現在口外麥田尚未收畢而秋禾

既被優膏亦最宜晴晴則熟長發更易秋成庶幾可望今朔竟日晴朗幸符農諺實足慰懷

始得拈

毫吟七字

### 林下一首再疊乙未韻

石臺石街側來往駐輿便我已欣暢目人皆得歇肩陰

從密

葉密陰

佈風自間

去聲

間穿昔盼十年遠

乙巳曾今

知近二年

丙辰歸政  
祇二年矣

題山近軒

何處不山近此軒獨得名雖然善有占未免失無爭為  
學戒已意閱人體衆情却看巖壁聳迴立付平平

古松書屋口號

屋誠易致松難得古已云過書影存四美偶然成一具  
祇宜默會罷繁言

簇奇廊作歌

古松書屋占最高詰屈棧路延緣下下至其半得敞廊  
背倚石壁如雲駕其後穹窿萬狀峙其前嶮巖千疊架  
究之一竒無不竒應付幽人卜為舍脫然塵外弗動心  
忘筌蹄以靜觀化我實憂勞籌治者祇合寓言此境謝

六月初二日作

農諺並懼初二陰

農諺有不怕初一霖只怕初二陰之語未知所指為六月七月大概此兩

月乃木稼長發之候皆可占驗昨初一幸晴明竟日今日午後雖有陣雨片刻即已放晴似可望其時若也

不知謂六

月

抑謂七

月

昨晨喜幸一天晴今日曉晴午



雲出須臾落雨地存水西風吹霽片刻畢不成分寸諒  
無妨夕陽朗照爽籟拂虔祝若暘更數朝西成或可登  
豐吉

恭詠壺盧罐

器高五寸徑三寸通體蟠螭二有蓋當底有康熙  
賞玩四字製是器者瓠始生時以木模束之迨其  
長成花紋字體儼若天造命意甚巧而形製渾朴  
較金玉之品似轉勝之

成器已將百歲餘

康熙賞玩識當

當底之當非當然之當

初置之白玉青銅側華樸

之間意愧如

七佛偈口號

六章具十幻一偈標十法十法即十幻七佛語如是

題錢穀山水寫生

春江帆影

春山欲綠春波長

上聲

幾幅輕帆試水行不識勞勞客舟

者抑緣為

去聲

利抑緣名

### 蕉陰文石

綠天石徑稱幽賞  
却訝其間鮮客尋  
作者應知具別意  
恐防代紙失清陰

### 疎林烟雨

水漲平湖偏隔橋  
冷風颯颯雨蕭蕭  
可憐支繖衝行客  
咫尺家門望若遙

### 夕陽歸牧

不名師學出手眼騰踔吳徐老沈間

見畫家傳  
馮元成集

已慣石

田見粉本

石渠寶笈有沈周寫生散牛卷此  
幅筆意頗覺相似足見馮語不謬

真成伯仲

辨來艱

澄湖放棹

湖舟何以異溪堂却愛出齋泛野航識得伊人工別誤  
於流動處恣徜徉

秋花蛺蝶

翩飛栩栩領花香那論色形紫與黃不失本來瀟灑意

金匱要略卷八十二  
幾曾工綴效滕王

楓磴攜筇

一樹丹楓石磴仄連林奚必笑茲微攜筇緩步契神處

別裁

去聲

原同杜紫薇

葡萄鼯鼠

珊瑚秋熟磊垂枝五技奚妨偶一施誰曰能緣不窮木  
試看果腹自嬉時

新篁幽翠

幾梢烟籜一卷石古趣幽懷不盡尋伯仲九峰石田者  
何妨偶效老雲林

古樹寒鴉

繞樹聊棲三匝時紆那誰與動遐思訝他叔寶

錢穀

開

生面禹錫竹枝換樹枝

灞橋詩思

風月千秋三界公豈伊獨在灞橋中便教詩思其間得  
恐亦平平歇後同

蓼汀風雪

風動鯉魚紅蓼花秋光滿目夕陽斜莫嫌幘裏闕名氏

精鑒晴嵐自不差

是冊僅有錢穀圖章而未署名氏然張若靄工畫精於鑒賞定為錢穀手

筆自當不差  
若靄號晴嵐

遊獅子園

夜熱蒸為薄曙雲須臾雲散麗朝昕敢云適此遊山興

實以幸其收麥欣漫擬龍飛誇氣色

用沈陰期  
龍池篇意

頻思獅

吼越聲聞

我皇考精通禪理如梵典所  
云作獅子吼要自超越一切聲聞

聖蹤想像况難學且學惕乾圖政勤

妙高堂

登山必登高稱堂乃稱妙一二二而一是曰眺真眺真則欣之外那復有無較空堂寂弗言五字翻招笑

草房

郎園山曲窈而深遠却塵緣足靜音

名曰草房本無意實符黃屋匪堯心

松柏室



往歲松柏室松殭柏槁兼

室前松柏子幼時曾見之即位後以居山莊遂以是園賜

果親王弘瞻王之後人無能經理園遂圯而松柏亦無存者丙戌來此復命重如修葺仍為御園並補植松柏

今已高出屋檐矣

奉誠重補構

按唐馬燧之子暢進所居為東誠園事殊相類世家子孫不能

保守先業古今同慨

佳植又齊檐吐子磊成顥

用意謂米芾

出鍼簇射

尖

謂松

靜觀興廢處一幻契華嚴

宜照齋得句

邸園遊罷遂言旋風日晴和小試鞭何致仰瞻七萃衆

今日自獅子園回山莊仍乘騎以行左右侍從無不欣瞻若十年以前予出入率常御馬固習而安之無足異

耳

却忘常御十年前石城進復易筭輦山舍坐因摘藻  
篇物理人情歸一照幻然中倏撫流然

### 含青齋

宜照南行復降山南而西一里之間畝平齋舍堪留憩  
路便棲遲省陟攀萬樹有青皆張王二皆去聲雙眸無色祇  
幽閒由來事半功應倍近閱玉岑未可刪

### 玉岑精舍

精舍西北隅以遠不數至茲因至含青

齊名在此東谷

沿谷西

行易精舍對嶽峯朗潔誠如玉叶坐即澄心神觸目惟

精粹計年三咏斯

向年題句皆以次懸於壁間計自今歲至乙卯再留詠三年即屆歸政之

期擬亦不  
再題矣

四壁書胥備

山東巡撫吉慶直隸總督梁肯堂各報雨水田功

情形詩以誌慰二律

沿河來往督糧艘河水今年勢竟豪抵次迴空兩不悞

出東入直早無撓

吉慶奏五月二十七日前赴沿河一帶督催糧艘所有運河水勢極為充

裕不日各幫即可全出東境其首進迴  
空之船現亦抵東並即催令迅速南下正殷望澤麥收

畢即霈優膏泰益高

又構經遇禹城平原等縣查看田中高梁長有二尺七八寸比之省

南畝次農民望澤正殷茲於二十八日自巳至午大沛甘膏入土二寸秋禾自當日見尤茂

商販疏

通濟鄰省鄰當夏熟亦奚勞

又據奏今歲沂州等府麥收較稔商民運販至直

隸者頗多現飭沿河遇商船抵開迅即放行俾上年歉收之處得有接濟所辦俱安然梁肯堂前奏直隸麥收九分餘糧價已平雖商販不至諒亦非所急望耳

麥收倉內霽逾旬頗覺大田盼澤新

梁肯堂奏保定等屬自二麥刈穫之

後晴霽逾旬均已晒晾入倉而秋禾又漸望雨澤以資長發

季月翼宵雷雨作省城

屬縣霈霂均高禾低黍胥潤穎果實蔬苗普益津

又構六月初二

日晚間保定省城雷雨交作至夜半方止查看四郊入  
土深透高粱現長七八尺不等黍稷稠望青葱蔬果等  
類無不津潤並稱此次雨勢滂沛沾被  
必廣俟各府屬報解另開清單彙奏  
南望寧無為之

慰慮過此地却勞神

前因閩外氣候稍遲麥田方屆成熟頗殷望晴幸旬前月廿四日雨

後晴至旬餘塲功當亦漸畢至秋未現在霑潤更望農  
曝俾資暢遂乃日內頻有陣雨未免又以過多為慮農  
事關心正無  
時可釋也

雨

六月初六日

朔旦曾欣七日霽翼辰午霽過一陣屈指復三連快晴  
意謂時暘已其信朝來四山雲互作雨自西南來以迅

徐落驟飛直達申暫停三鼓仍繼奮是則連陰勢已成

坐卧不寧惕增困大田優潤固無妨麥收難定豈無愁

小雅不愁道一老耄即僅

或我近日意鄰驕

近於敵晴齊詩內有屈指七朝連快晴憩山蘇

略開懷抱之句

合當展轉酬斯悶

今歲各直省奏報麥收多在八九分以上惟安徽省因春

雨稍多間有歉收之處通計祇七分餘然亦近于中豐及閩塞外農田茂茂因題臺灣報收早稻詩有句云北

塞南瀛幸時若又昨吉慶奏東省沂州等府麥收較稔商民販運至直隸可以接濟上年歉收之處予意直省

麥收亦在九分以上尚可無需又有句云鄰當夏熟亦奚勞或即此心鄰於驕滿以致連陰不無有妨刈麥乎

是則日內展轉問懷竟亦不為無因耳

烟雨樓

昨因諱樓名駐久未一往

恐致雨也

既然

謂適日連陰已成

何必然

艤舟石岸上烟雨旋

去聲

以消風日清而朗乃知陟趨避

不可謂豪爽萬里悟同如五字發竒想咄哉語復失三

曰憂宜享

詠和闐綠玉龍頭龍尾觥

魏略華歆邴原管寧三人共遊學時人稱為三龍

歆為龍頭原為龍腹寧為龍尾內府藏此式觥最


夥或亦比德取象之義

和闐包貢春秋至呈瑞那論占德星

禮舍文嘉曰玉石得宜則太白常明

肯付劣工成俗樣原多古式倣前型嫩葱細韭同為色  
捲尾昂頭全具形製器每教弗孤質作人絜矩不遑寧





御製詩五集卷八十二